

玉

海

九十九

玉海卷一百一

浚儀王應麟伯厚甫序

辭學指南

辭學指南序

博學宏辭唐制也吏部選末滿者試文三篇

賦詩論中

者卽授官韓退之謂所試文章亦禮部之類然名相

如裴陸文人如劉柳皆繇此選制舉又有博學通議

博通墳典學兼流略辭擅文場辭殫文律辭標文苑

手筆俊拔下筆成章文學優贍文辭秀逸辭藻宏麗

文辭清麗文辭雅麗藻思清華文經邦國文藝優長

文吏兼優之名皇朝紹聖初元取士純用經術五月
中書言唐有辭藻宏麗文章秀異之科皆以眾之所
難勸率學者於是始立宏辭科二年正月禮部立試
格十條章表賦頌箴銘誠諭露布檄書序記除詔誥赦敕不試又再立
試格九條曰章表露布檄書以上用頌箴銘誠諭序記
以上依古今體亦許用四六四題分兩場歲一試之大觀四年
五月以立法未詳改爲辭學兼茂科除去檄書增入
制詔仍以四題爲兩場內二篇以歷代故事借擬爲
題餘以本朝故事或時事蓋質之古以覘記覽之博
參之今以觀翰墨之華宣和五年七月職方員外郎

陳磷奏歲試不無幸中乃有省闈附試之詔繇是三
歲一試紹興三年工部侍郎李擢請別立一科七月
詔以博學宏辭爲名凡十二體曰制誥詔書表露布
檄箴銘記贊頌序古今雜出六題分爲三場每場一
古一今三歲一試如舊制先是唯有科第者許試至
是不以有無出身皆許應
詔先以所業三卷每題二篇納禮部上之朝廷下中書後
省考其能者召試其取人以三等五年王壁石延慶
首與選嘉熙二年立辭學科以今題四篇分兩場行
之三年而廢景定二年復辭學科至四年而止今唯
存博宏一科蓋是科之設紹聖顓取華藻大觀佩尙

王泚卷一百一
施該爰暨中興程式始備科目雖襲唐舊而所試文則異矣朱文公謂是科習諂諛夸大之辭競駢儷刻雕之巧當稍更文體以深厚簡嚴爲主然則學者必涵泳六經之文以培其本云

編題

東萊先生曰編題只是經子兩漢唐書實錄內編初編時須廣寧汎濫不可有遺失再取其體面者分門編入再所編者並須覆誦不可一字遺忘所以兩次編者蓋一次便分門則史書浩博難照顧又一次編則文字不多易檢閱如宣室石渠公車敖倉之類出

處最多只一次編必不能盡記題目須預先半年皆合成誦臨試半年覆試庶幾於場屋中不忘

魏晉南北朝固不出題亦有相關處如作曆序則此數代曆皆當略說作書目序則王儉七志嘉則殿書卷皆當略說

凡作工夫須立定課程日日有常不可閒斷日須誦文字一篇

或量力念半篇或二三百字編文字一卷或半卷須分

兩冊一冊編題一冊編語卷帙太多編六七板亦得作文字半篇或一篇熟看

程文及前輩文字各數首此其大略也縱使出入及賓客之類亦

須量作少許念前人文百字編文字半板非謂寫半板但如節西漢半板作文字數句熟看程文及前輩

文一首雖風雨不移欲求繁冗中不妨課
程之術古人每言整暇二字蓋整則暇矣

西山先生曰始須將累舉程文熟讀要見如何命題
用事如何作文既識梗槩然後理會編題經史諸子
悉用徧觀其間可以出題引用並隨手抄寫未須分
門且從頭看凡可用者悉抄上冊如尙書則舜典望
秩禋宗九官之類皆錄一書畢復理會一書以詳且
精爲先不可少有遺缺經書中周禮題目最多官名
皆可作箴制度名物皆可爲銘爲記周禮題目亦有
不入編者蓋某
別有節其次則禮記外三經皆有之惟易工夫多在
本故也
三禮易詩春秋正經無題目外如尙書周禮
儀禮禮記三傳爾雅大戴禮皆有之有題目

處須參注疏次及國語戰國策史記兩漢書荀悅袁

宏漢紀三國志晉書

南北史少題目然亦須涉獵過

隋書唐書唐朝

諸帝實錄舊唐書通典唐六典唐會要貞觀政要

五代

史少題目然其中如李琪傳入閣本末司天考王朴律準等事亦須編入

史記兩漢唐史題目最多七

制時事尤為緊要正史之外漢有荀袁紀唐有會要

六典韋氏兩京新記集賢注記舊唐史皆合參會抄

錄溫公通鑑亦可證年月考異最佳晉隋皆有題目

南北史雖未必可出題然須略知本末可以引用露

布檄書亦多本朝諸帝實錄太祖太宗真宗仁宗四

宗國史諸志會本朝題目須是盛德大業禮樂文物

要中與會要

崇儒右文等事方可出不必子書則孟荀揚管淮南

汎記

孔叢家語莊列文墨韓非子華亢倉文中鬻劉諸子

汲冢周書呂氏春秋賈誼新書說苑新序兵書則六
韜司馬法孫吳尉繚李靖問對皆有題目須涉獵抄
節集則文選文粹韓柳文文苑英華古文苑皇朝文
鑑雖無甚題然可以引用處亦合編錄皆當徧閱搜
尋如前法編類不可缺略俟諸書悉已抄過然後分
爲門目

天文

律曆

渾儀

圭景

漏刻

地理

郡國

戶口

版圖

宮殿

堂室

省臺

館閣

寺監

邸院

苑囿

樓觀

門闕

池沼

城

邊城

河渠

田制

營屯

貢賦 鹽鐵 錢幣 倉庾 府庫 會計

漕運 儀禮 郊丘 明堂 辟雍 靈臺

封禪 迎氣 朝日 夕月 星祠 山川

高禩 雩禱 社稷 羣祀 祠官 祠壇

耜田 先農 觀稼 親蠶 大射 視學

養老 朝會 宴享 冊禮 上壽 行幸

車輿 冕服 儀衛 旂常 鼎鼐 祭器

寶玉 環佩 笏帶 符節 印璽 賜物

招諫 儆戒 屏障 音樂 樂曲 樂器

樂舞 夷樂 官制 官名 祿秩 封爵

學校 科目 銓選 薦舉 考課 兵制

兵書 陣法 蒐狩 符籍 馬政 兵車

兵器 弓矢 軍賦 刑法 律令 赦宥

圖籍 帝學 經筵 御製 宸翰 詔令

易 書 詩 禮 春秋 論語孝經

小學 儒臣經解 臣下承詔撰述

百家雜著 正史 實錄 記注 編年

政要寶訓 譜牒 典故 奏疏 總集文章

書目 類書 祥瑞 夷狄朝貢 錫予外夷

兵捷 紀功 露布 檄書

右分爲數十門先理會一門竟然後以次編纂謂如
曆法則凡經史百家所載曆事悉萃爲一處而以年
代先後爲次第如黃帝曆爲先顓帝曆次之夏殷周
魯曆又次之漢曆至唐曆又次之本朝曆又次之它
可類推初編不厭其詳俟成編旋加刪削凡題目有
數出處者須合爲一如高祖五星聚東井

紀五行志
張耳傳敘

傳後魏崔
浩高允傳

纔缺一處便不可而抄類之中復要認得

出處端的如東井則本紀爲正它皆旁出又如編漢
太初曆題凡兩漢紀志所載太初曆事晉隋諸志及
後來人評論太初曆事皆當萃爲一處仍須認一出

處以武帝紀太初元年五月爲正餘皆旁出舉此一
題他倣此凡編題目須其上可著朝代字如夏如殷
如周方可作題出且如曲禮所載德車結旌德車二
字豈不是題目然曲禮非純是周制不可加周字則
不可以爲題但當收入漢德車類以爲引援之用若
徒知曲禮德車不可爲題而略之或出漢德車題不
知援曲禮亦不可也舉此一事它皆可以類推矣
有出處止數句而事散見諸處如漢太初官名建武
封功臣之類是也編題之初徧加搜尋不可缺遺
箴題如周陶正左傳銘題如漢瓚槃周禮注只三兩字最

易漏須著眼力搜求摘其名之雅者錄爲一帙
紫
切工夫卻用於眾家本子所無者用心且如瓚鑾車
服制度古本何曾有之今所謂長樂未央宮之類皆
不必十分熟記年月數目亦無害

編題用工數年雖不能全無缺遺然大槩備矣兼其
閒亦有編類得法者頗多試以正文比對方知其不

草草非止制舉天祿閣數題而已

所編題苑再加工點檢諸經子史采

括無復遺矣今去試日已無多某所記已及五七分
將來不患忘出處但患作文之工少以此敵它人不
去耳
難題見作括子記頗有
條理第恐場屋倉卒易於遺忘
紫宸殿正出處只如

此若李石傳所載之事不佳故刪去之亦如延英殿

出處亦多若宋中錫等傳所載皆非善事故不錄大
抵宮殿題目出處多者當以事體重者爲主如宣室
只是賈誼傳刑法志東方朔傳爲急如何武等傳不
用可也洛陽宮當以地理志爲急如張元素皇甫德
參之諫略之亦可也若汎然記汎然用適以害大體
也唐中華殿出令狐德棻傳延喜樓出夷狄傳思政殿出段文昌
然不可出題若此可爲題則漢顯德殿嘉德殿宣
平殿之類皆可爲題矣魯壺出處有葬后之事不佳
難爲出但合入周分物門漢校書郎見竇章揚終諸
傳但止一校書官亦難作箴如五門三朝曩者不曾

看疏故有缺略今已修正矣

所業題目已擬定但未有制表題如記序只是出眼

前題蓋好題可惜

與王器之玲書

平齋洪公曰好

道山川貢賦若非先整比縱使場屋將唐書一部去

紀山東數語

豈無遺事 揀好題略記端緒

陳國正

晦

云乾元殿四部書百官志乃正出處使藝

文志爲正非是永平車服制度紀中恣極耳目乃正

出處東平王傳及輿服志注但可引用而已此說良

當一時取予蓋未必可憑

與王器之書

又曰東觀

徧尋皆不見唯五行志注建初中有東觀事耳周七

律他無出處只見淮南子舜五絃琴注有之周九畿

籍只是司馬他無所考漢衛尉八屯出張衡賦與元
帝紀司馬門注與城門校尉八屯不同唐著作院只
是藝文志一出處黃帝李法周木鐸漢十三家易及
賜民爵禮日成山已續編入題矣漢金鼓出郊祀歌
廣成苑出馬融傳周封圭莫只是翦桐為圭事否乞
批教北宮歲月及光祿四科偶然遺之非不曾考究
也隋書無題如經籍天文志已編入冊矣此亦非
急務但以作文為祝若記念則場屋彼此相參不
患不記得實也

水心曰宏詞人世號選定兩制

李微之曰自紹聖至紹熙至宰執者十一

人紹熙後執政三人

出題並不載出處如祖宗故事及時事未通曉者臨

時同巡鋪官於簾前上請

禮部榜

周禮音注當精考如五射襄尺音讓九箬巫咸讀為